

PRIJEDLOG

Broj: _____

Datum: _____

Na osnovu člana 64. stav 8. i 16. Zakonu o zdravstvenoj zaštiti FBiH („Službene novine FBiH“, broj: 41/10), člana 4. Zakona o ministarskim vladinim i drugim imenovanjima u Federaciji Bosni i Hercegovini („Službene novine Federacije Bosne i Hercegovine“, broj: 12/03 i 34/03 i 65/13), člana 4b. Odluke o utvrđivanju uslova i kriterija za imenovanje na pozicije u regulirane organe („Službeni glasnik općine Lukavac“, broj: 6/04 i 09/17), i člana 32. Statuta općine Lukavac – prečišćeni tekst („Službeni glasnik općine Lukavac“ broj 5/08 i 1/14), po prijedlog grupe vijećnika, općinsko vijeće na vanrednoj sjednici, održanoj dana _____, donijelo je

O D L U K A

o imenovanju privremenog upravnog odbora JZU Dom zdravlja Lukavac

Član 1.

Za člana upravnog odbora JZU Dom zdravlja Lukavac, privremeno se imenuje

1. Burgića Alena, predsjednik
2. Šiljegović Rešid, član
3. Bajrić Samir, član (iz reda stručnih radnika ustanove)

Član 2.

Predsjednik i članovi privremenog upravnog odbora ustanove iz člana 1. ove odluke imenuju se na period od najviše 3 (tri) mjeseca.

Član 3.

Ova odluka stupa na snagu danom objave u „Službenom glasniku općine Lukavac“.

**PREDSJEDAVAJUĆI
OPĆINSKOG VIJEĆA**

Mehmed Suljić, dipl.ing.mašinstva

OBRAZLOŽENJE

Članom 64. stav 8. Zakona o zdravstvenoj zaštiti FBiH je određeno da predsjednika i članove upravnog odbora zdravstvene ustanove imenuje i razrješava općinsko vijeće na prijedlog općinskog načelnika, dok je stavom 16. određeno da se predsjednici i članovi upravnih odbora zdravstvenih ustanova iz ovog člana imenuju u proceduri u skladu sa propisima o ministarskim, vladinim i drugim imenovanjima u Federaciji.

Članom 4. Zakona o ministarskim vladinim i drugim imenovanjima u Federaciji Bosni i Hercegovini određeno je da su nominacije/imenovanja na kraći period nominacije ili imenovanja na najviše tri mjeseca.

Članom 4b. odluke o utvrđivanju uslova i kriterija za imenovanje na pozicije u regulirane organe je određeno da u slučaju da nisu ispunjeni uslovi za konačno imenovanje na pozicije u regulirane organe, moguće je izvršiti nominaciju/imenovanje na kraći period, a najduže tri mjeseca, koja se ne mogu ponoviti.

U zaključcima sa održanog sastanka dana 30.11.2018.godine broj: 13/1-37-17524-1/18 od 22.11.2018.godine koje je općinski načelnik dostavio općinskom vijeću na vanrednoj sjednici općinskog vijeća od 10.12.2018.godine, određeno je da „nadležni organi dužni su odmah preduzeti aktivnosti na rješavanju imenovanja upravnog odbora JZU Doma zdravlja Lukavac i direktora ove ustanove“.

Dana 10.12.2018. godine održana je vanredna sjednica općinskog vijeća Lukavac, sazvana na zahtjev općinskog načelnika Edina Delića na kojoj se razmatrala problematika vezana za imenovanje organa upravljanja i rukovođenja JZU Dom zdravlja Lukavac. Općinski načelnik je na istoj sjednici općinskom vijeću Lukavac dostavio na razmatranje i usvajanje prijedlog odluke o poništenju odluke o razrješavanju predsjednika i članova upravnog odbora JZU Dom zdravlja Lukavac.

Pomenuta odluka nije dobila potrebnu većinu glasova od strane prisutnih vijećnika.

Imajući u vidu negativne posljedice koje bi nastupile za JZU Dom zdravlja ali i za sve korisnike zdravstvenih usluga ove ustanove, koje se ogledaju u tome da ista neće moći nastaviti svoje poslovanje jer neće moći nastaviti pružati zdravstvenu zaštitu osiguranim licima za područja općine Lukavac, provesti procedure javnih nabavki osnovnih sredstava, popravki neophodne opreme potrebne za nesmetano pružanje zdravstvene zaštite, te neće moći ispoštovati dalje obaveze prema Ministarstvu, ZZO TK, AKAZ-u, ugovornim dobavljačima i ostalim, vijećnici u općinskom vijeću Lukavac su zahtjevom, u skladu sa poslovnikom o radu općinskog vijeća Lukavac, zatražili sazivanje vanredne sjednice u cilju iznalaženja rješenja radi rješavanja ove problematike i imenovanja privremenog UO ove ustanove.

Obzirom da općinski načelnik nije dostavio općinskom vijeću na razmatranje prijedlog odluke o imenovanju privremenog upravnog odbora JZU Dom zdravlja Lukavac, te da više od 5 mjeseci ova ustanova funkcioniše bez organa upravljanja – upravnog odbora i direktora, to je općinsko vijeće Lukavac kao odgovorni državni službenik i osnivač ustanove u smislu Zakona o ministarskim, vladinim i drugim imenovanjima Federacije BiH postupilo na prednji način. Ovo iz razloga što Zakon o zdravstvenoj zaštiti FBiH kao lex specialis ne reguliše pitanje izbora privremenog upravnog odbora ustanove.


Predsjednik i članovi privremenog upravnog odbora ustanove iz člana 1. ove odluke imenuju se na period od najviše 3 (tri) mjeseca računajući od dana stupanja na snagu akta o imenovanju, a najkasnije do okončanja postupka kojim će se izvršiti konačno imenovanje člana upravnog odbora ustanove na način i u postupku propisanom zakonom ili do konačnog rješenja sudskog postupka o razrješavanju upravnog odbora JZU Dom zdravlja od 10.07.2017.godine.

U potpisu 13 (trinaest) vijećnika općinskog vijeća Lukavac:


1. Ermin Jusufović (SDA)




2. Teufik Arapčić (SDA)




3. Nedim Kurtić (SDA)




4. Admir Mosorović (SDA)



5. Šaban Bečić (SDA)



6. Admir Turkić (SDA)



7. Mirnes Brkić (SDA)



8. Munir Memić (SDA)



9. Aldina Mahmutović (SDA)



10. Suad Kasumović (SDA)



11. Dževdet Osmanbegović (SBIH)



12. Sabina Karić (SDA)



13. Ramiz Frljanović (Nacionalne manjine)

